



QUÆSTIO MEDICA


A MEDICORUM CARNOTENSIIUM COLLEGIO

PROPOSITA

ET POMERIDIANIS DISPUTATIONIBUS AGITANDA

Die

mensis Septembris, Anno verò 1732.



An qualibet operationes Chirurgia coram Medico eoque imperante celebrari debeant?

I.

MEDICINA non instabilis, non inconstans, sed certis legibus addicta, salutari effectu nunquam destituitur. Namque Medicina est imitatio naturæ, sed est opus Dei naturæ, quæ quamvis indocta & (a) incogitans, summi tamen opificis voluntatem exequitur. Hanc pari passu verna contubernalis sequi debet ars sanandi, quæ quamvis non sanet omnes, & omnibus tandem sit moriendum, non ideo manca & caduca censenda est: cum corpus insanabile non sit objectum Medicinæ; nec, si sanabilis quispiam affectus non sanetur, saluberrimæ artis vitio verti debet: vitium enim est operarii, non artis. Nam si optimos invenias Medicos, pessimos quoque reperies; indeque magis elucescit existentia (b) Medicinæ. Itaque qui saluberrimam artem vult profiteri, summa cura debet aniti, ut naturæ cultor nec parcus, nec infrequens cum ipsa (c) cohabitaret. Quoniam verò ars longa, vita (d) brevis, institutione opus est à (e) puero. Primum linguæ Græcæ & Latine peritiâ, tanquam viatico muniatur; nemini enim ad Medicinam accedere datur, quem fugit eorum dictio, qui scriptis Medica mysteria consignarunt. Tùm physicis, mechanicis, geometricis (f) imbuatur principiis, tum logicis, quibus dirigatur ad cogitandum, non ad garriendum. Quamquam enim multa sunt ex his ad artem non pertinentia, tamen adjuvant excitando artificis (g) ingenium. Duobus præcipuè cardinibus nititur Medicina, ratione & observatione, sed ad observationem semper rationis filum (h) dirigendum. Ut utramque consequatur juvenis jam artium liberalium cognitione imbutus, non cunctanter studeat Anatomia, Botanica, Pharmacia & Chymia; sed singulis se præbeat totum, tanquam singularem in posterum futurus magister: ut, dum ad praxim pervenerit, plenius velis navigare possit. Nec enim putes corporis affectus sive externos, sive internos cogniturum, qui hominis fabricam & œconomiam ignoraverit, aut singulis affectibus remedia inventurum, si simplicia aut composita medicamenta nesciverit. Harum itaque disciplinarum peritissimos adeat magistros, quos loco parentum (i) veneretur, quosque attentè audiat, & quibuscum operi manum adhibeat. Neque animalium, plantarum, aut mineralium cognitioni acquiescat, sed singulorum partes medicas perferretur odore, tactu, sapore, analysi Chymicâ, imò salum, cum simplicium succis perfusione, ut ex coloris, odoris aut saporis mutatione, cujusque nativas mixturas expiscetur. Hinc nempe cognoscat an partes solidas nimium crispatas laxent, an nimium stimulas demulceant, aut nimium torpidas stimulent,

(a) Hippocrates de alimentis.

(b) Hippocrates de Medicina.
(c) Baglivi.
(d) Hippocrates aphorismo lib. 2.
(e) Idem.

(f) Idem epistolæ ad Theophrastum.

(g) Celsus in præfatione.
(h) Baglivi p. 5.

(i) Hippocrates in Jurisjurando.

A

aut nimium laxatas intendant; an liquida nimium soluta inspissare valeant, aut nimium in-
 spissata diluere; an eadem deficientia reparare. Intelligat quæ quibus visceribus, inter ad-
 stringentia, stimulantia & laxantia, quadrare usus compereit. Præcipue indigenorum mix-
 torum vires perscrutabitur, ut Medicinam habeat parabilem & ubique obviam. Cognitâ
 (quantum humanum est) medicamentorum actione, ad diætâ pergat, sine quâ nullos
 morbos sanatos, & quâ solâ, nullo adhibito medicamento, multos curatos invenies. Discat
 igitur quis ægrotus cibandus cerealidus, quis oleraceis, aut intybaceis, aut leguminosis, quis
 oleosis, quis demulcentibus aut viscosis: Cui competat diætâ ex junioribus animalibus pe-
 tita? Quam paucis & quibus veterum animalium carnes, quam paucioribus ferinæ conve-
 niant? Quibus piscium genus anteponendum? Quibus diætâ medicamentis alterata? Cui
 vinum medicamentum? Cui venenum? Nec ignoret summas cœli & soli mutationum do-
 tes, balnearum, thermarum, acidularum energiam, frictiones & exercitia variis chronicis
 affectibus varia & diversi ægrotantium situs aut decubitus commoda. Quibus (quantum per
 vires licuerit) institutus, rebus pathologicis se præbeat. Nocturnâ & diurnâ meditatione è
 veterum scriptis morborum historias, symptomata, prognosim, diagnosim: à recentiori-
 bus iisque selectissimis, affectuum causas eruat. Sporadicos affectus ab epidemicis, endē-
 mios ab adventitiis, acutos à chronicis discriminet. Nec ignoret an liquidi nimium cohe-
 rentis aut dissociati culpâ, an in alienâ vasâ extrâ genuinum circulum aberrantis vitio fiant? Utrum
 solidorum stricturâ, utrum laxitate, an utriusque in diversis locis culpâ pendeant? Quæ
 quibus morbis effugia, symptomata & crises, quæ epigeneses, qui affectus in quos
 mutantur, jure societatis, viciniae, originis, officii? Morborum initia, exacerbationes, de-
 crementum, ipsorumque ætates ex pulsu, linguâ, decubitu, facie, voce, excretis & retentis,
 sanguinis è venâ exilientis impetum plus minus citato; aut ex ejusdem refrigerati facie aut consis-
 tentiâ discriminet. Sed imprimis sciat morbos esse naturæ conamina, per quæ exurgit ad
 propellendum ea quæ (a) affligunt. Qui inter hæc fuerit nutritus, poterit aliquandò apud
 ægrotos (quod summum Medicum decet) præterita enarrare, præsentia cognoscere, futu-
 ra prædicere & optimi practici munere defungi. Neque hæc quamvis multa juveni sufficiant.
 Prius enim quàm agrorum curam suscipiat, veteribus diù assidue practicis in nosocomiis;
 eorumque utatur consiliis, etiam susceptâ ægrotantium curâ, ne statim à libris & laborato-
 riis ad praxim, tanquàm in alium terrarum orbem delatus, experimenta per mortes ducat. Affectibus
 externis non minùs quàm internis se præbeat. Tumorum itaq; & abscessuum
 reconditas causas, vulnerum discrimina, fractorum & luxatorum naturam, quæque ad ar-
 tem manuales spectant perspecta habeat, non ex contractis infimæ notæ opusculis, quæ
 invitâ Minervâ ex vappido prodire cerebro; neque perfunctoriè se gerat, sed certis magno-
 rum Medicorum observationibus immoretur, si vult aliquid trahere quod animo fideliter
 sedeat. Chirurgicis etiam operationibus intersit, & operantium manus oculus sequatur, nec
 pudeat eum discere à ministris, in quorum etiam erratis (si mechanicis & anatomicis fuerit
 præceptis imbutus) inveniet undè fiat cautus alieno periculo. Nequè spectaculo acquiescat,
 sed ipse in mortuis vivorum solamina quatrat, & quæ in vivente peracta vidit, atten-
 tè in cadaveribus repetat, & an quid melius perfici possit (Chirurgos ipsos educturus) sine
 periculo experiatur. Imò saluberrimæ Parisiensis Falcultatis morem secutus, non in-
 decore, effusè benignus, pauperum pure sordescere se (b) patiat. Ardua Chirurgis & in-
 experta suscipere non vereatur, sicut famigeratissimus Litrius, qui foetus in abdomine extrâ
 uterum putrefacti ossa, ex ulcerato recto intestino, per anum volens volenti mulieri, non sine
 inaudito successu, paulatim (c) eduxit. Hæc sedulò omnia adimpleat munia, neque diver-
 tatur alienis negotiis, recordatus Medicinam naturæ vicariam, nullis limitibus circumscribi, &
 quantum alienæ arti datur otii, tantum Medicinæ decedere. Sed caveat Medicus, ne dotes
 tanto labore conquistas morum corruptela contamine: quos habeat tam sanctos ut ne vel
 minimæ criminis, vel vitii suspitioni locum dare possit. Puras habere manus sibi lucro appo-

(a) *Actuarius*
 pag. 22. c. 6.
denham in pro-
miò.

(b) *Arrêt du*
Parlement de Pa-
ris, du 15. Mai
1640.

(c) *Memoires*
de l'Academ. de
l'an. 1704. pag.
234.

nat. Equè se præbeat pauperi ac diviti. Imò divitibus sanitatem restituisse contentus de pretio non contendat. Pecuniam enim si acrius exegerit, se homini servato mancipium præbet, nullamque amplius memoris animi gratitudini (quæ suprà aurum est) causam relinquit. Absit igitur à liberali arte, indigna qualibet exactio, & ad prophana circulatorum theatra recedat; vilis crumenarum emundtor, qui cùm infimæ sortis ægrotorum loculos jam exsiccarit, ne quid avaritiæ suæ inexpertum relinquat, ipsorum quoquè opus aut operam extorquere non erubescit.

I I.

Medicina est mundò cœva ut enim vivere & pati ferè perindè est, morborum solamina quarendi primos homines incesse necelitas. Sed ab Egyptiis primùm nobilius excultam ad Græcos transtulit Æsculapius, à quo Asclepiadarum clarissimum genus, quod tres celeberrimas instituit scholas, Cnidiam, Rhodiam & Coam. Inter cæteras emittens Coa magnum habuit (a) Hippocratem, qui filius Heraclidis, & ab Æsculapio vigesimus secundus, Medicinæ princeps sectæque rationalis auctor, exceptas ab avis & Herodico præceptore observationes locupletavit indefesso labore, candore eximio, judicio acri. Omnia tamen quæ tanti viri nomine circumferuntur opera non sunt ipsius genuina progenies; sed legitima distingues ab alienis styli majestate, brevitate sententiosâ, rerum pondere & eo præsertim quod missis affectuum remotioribus causis, proximas tantùm admitterit. Non mediocrem quoquè famam eodem tempore & paulò post consecuti sunt Dioscles Carystius & Praxagoras (b) Cois; quos excepere Erasistratus & Herophilus (c) clarissimi Anatomici, & Plistonius, ex quorum scholis multi iique optimi Medici quaquaversum progeminârunt, pathologiâ, diætetice, materiâ medicâ, & chirurgiâ clari. Tunc tamen manu pauci utebantur: nam sub Erasistrato & Herophylo superbientes ministri, quibus Medici viliora committebant artis opera, (d) partes quisque suas nullo ducente auctori heris suis se subdlexerunt. *Tunc primum Medicina in tres partes diducta est ut una esset quæ vicariu curaret, eaque erat nobilior, altera quæ medicamentis, tertia quæ manu mederetur.* (e) Hæc fuerit illustria separatæ à Medicinâ Chirurgiæ natalia. Pharmaceutica medicamentis externè tunc illis appendens, Chirurgi operationibus tantùm acquieverunt. Verùm Diæthetici, ut omnium clarissimi, ita altiora quædam agitare conati, naturalium rerum cognitionem sibi vindicârunt. Hinc (proût quisque diversam Philosophiæ partem complexus est) Hippocratis tamen praxi addicti, & ab eo solo philosophandi genere dissimiles, variis principiis Medicinam cœperunt illustrare, exceptis Empiricis, qui Acronis Hippocrate ipsò antiquioris placitis mancipati, soli observationi se tradidere. Inter Medico-philosophos, qui ab Hippocratis paululùm principiis deflexerunt, sectarum authores, magnam sibi famam pepererunt Erasistratus qui cibos vi ventriculi atterentis comminui (f) asseveravit, & Plistonius qui eosdem putrefactione credidit eliquari. Eorum sectæ quingentis annis celeberrimæ viguerunt; donec Asclepiades (g) à diversâ pororum diametro & fluentium corporum cum poris quadratione, sanitatem stare credidit, & si contrâ eveniret ægotare hominem. A principiis magistri sui Asclepiadis paululùm deflebens Themison sectam methodicam instituit, stricto, laxo & utroque pro morborum causâ constitutis. A cæterorum praxi discrepavit quod rarò venæ sectione & catharsi uteretur, sed ægrotos multo brevius maceraret. Floruere quoquè Pneumatici institutore Atheneo Attaliensi, qui functionum causas spiritibus benè affectis, eorumque disfracie morborum originem imputavit, non multùm à methodicis dispar, quod à solidis multis morborum causas repeteret. Quantam in describendis morbis eorumque causis, & in diæta, aut medicaminum delectu diligentiam adhibuerint Methodici & Pneumatici, ex superstitibus Coelio methodico, & Arethæo Actuarioque Pneumaticis datur intelligendum. Ex omnium tandem dissidiis emerferunt Episyntetici dicti quod è singulorum placitis systema compingerent, ut Leonides Tarentinus & Eclectici seu potius Eclectici, qui ex diversis sectis ea selegerunt quæ magis ad morborum cognitionem facere viderentur, ut Archigenes (h) Syrius. Quùm Methodici suprà cæteros eminent,

(a) Natus a. Olympiadi octava anno primo secunda dnm Soran. in a. t. Hipp.

(b) Constantinus Hipp. Vixit sub Ptolomæo Sotero.

(d) Le Clerc, Hist. de la Med. p. 335

(e) Cornelius Celsus in Pref. ad primum libr.

(f) Corn Cels. in Pref. ad primum libr.

(g) Florius Regius Pompei magni temporibus.

(h) Florius in præf. I. 1. 1.

(a) Imperante
Antonio & Mar-
co Aurelio.

(b) Prosp. Mar-
tinius, in Hippo-
crasat.

(c) Conringius
introd. ad Med.
p. 88.

(d) Vixit anno
Chr. 360. Freind
Hist. de la Med
p. 2.

(e) Vixit exor-
te sexto secolo.
(f) Desinente
seculo quinto.

(g) Sub Tiberio
(h) Incipiente
seculo.

(m) Mesie de
re medic. cap. 2.
libro secundo.

F
A

sectas omnes absorbit (a) Galenus, Practicæ, Anatomix, Chirurgiæ, Pharmacix scientiâ commendabilis; sed eo minùs laudandus quod propriæ gloriæ & cæterorum contemptu nimis studuerit, neque ipsi pepercerit Hippocrati. Quamvis enim Galenum in verba magni dictatoris jurasse diceret, illum Medici oculatiores in hujus censurâ magis, quàm librorum expositione laborasse (b) deprehenderunt, aut ab ejus placitis nunc aperte nunc clanculum deflexisse, & sua interdum à Medicinæ principis sensu aliena, majoris autoritatis gratiâ pro Hippocraticis (c) venditasse. Optimi quoque post Galenum clarere Medici ex quibus non silendi (d) Oribasius, (e) Paulus, (f) Aëtius viri non minùs Chirurgiâ, quàm morborum internorum cognitione, clari, quibus parilis officii causâ, Celsus (g) ætate superior jungatur. Hi nempe nullas ferè prætermiserunt operationes manuales, inò multas celebrârunt hodiè magno mortalium malo neglectas, hique soli post Hippocratem antiquam Chirurgiam cum Galeno ad nos transmiserunt.

I I I.

Græcis & Latinis succedere Arabes (h) qui declinante Orientis Imperio, summâ ferè rerum Orientalium potiti, Medicorum quoque spoliis ditescere non dubitârunt. Quare ne mirere quod in eorum scriptis Græcorum Medicinam in frustulâ sparsam invenias: Suo eos tamen elogio dignos fatebere, quod multa Græcis incognita publici juris fecerint. (i) Anno 827. Primus nempe Avenzoar (i) inflammationem pericardii & mediastini cognovit & sanavit. Rhafes (l) & Avicenna de venâ Medinensi & Persico igne discernere, & morbillorum variolarumque historiam & curam tîm nitidè exposuere, ut posteris facultatem compilandi potius, quàm inveniendi reliquerint. Chirurgiæ laude potissimum florere Arabes, teste Albucasi, & Medicâ materiâ ut qui Cassiam purgantem, Mannam, Sennam, Rhabarbarum, Tamarindos (m) acutorum morborum purgantia, quibus hætenùs caruerat Medicina, in usum vocaverint. Chymix quoque ab Ægyptiis primùm invente multisque æculis sopite, scintillulas exfuscitârunt. Qui Arabum scripta novit, ducentes qui secuti sunt, Medicos, noverit per totam Europam quingentis annis Arabum famulatio addictos. In eorum tamen stylo barbaro multa quæ ad Chymiam, praxim & Chirurgiam spectant; non mediocriter reperies. Quare Medicina, dùm cæteræ silerent artes, sola non obmutuit vires tandem resumptura. Nam Constantinopoli à Mahometo secundo captâ, & Græciâ ferro & flammâ vastatâ, terrore percussâ quotquot eruditî supererant, in Italiam fecessere ac in Galliam Francisci primi regali munificentiâ invitati se recepere. Hinc primùm Hippocrates, Galenus cæterique quotquot supererant Græcorum Medicorum principes, latinâ civitate donati, cæptumque est ad genuinos fontes recurrere. Præcipuè autem mentem Hippocratis haud multò post doctissimis exposuerunt scholus in Academiâ Parisiensi omnium divini sensus interpretum antesignani Hollerius, Duretus, Martinus & Jacotius Arelatensis Medicus; in Italiâ Mercurialis posteaque Martianus; in Hispaniâ Valesius multique alii. Plurimi Græcorum genio affliti omnibus incubuere Medicinæ partibus, tîm Botanica & Practicæ, tîm Anatomix & Chirurgiæ quarum culturæ à Medicis semper allaboratum. At prout quisquis diversis fuerat institutis Philosophiæ præceptis antiqua fuscitaverunt systemata. Sic quorum tenuem tantùm adumbrationem delineaverunt veteres, novæ & experimentalis Philosophiæ subsidio locupletârunt neoterici. Primus Arabicæ servitutis jugum excussisse creditus est Theophrastus (n) Paracelsus. Hic quoque Græcorum monumenta contempti ausu impudentissimo, & reperto in Germaniâ Basilii Valentini Benedictini opere chymico, quæ indè excerpit, pro suis (o) venditavit, tribus admissis principiis resinâ, sale, (p) sulphure. In eo tamen profuisse fatebere, quod Chymix ab Ægyptiis primùm invente, ab Arabibus paululùm excoltæ, & in usum Medicum vocatæ, à se latrociniis subreptæ, posteris accuratius excolendæ desiderium reliquerit. Nec multò post Helmontius duo causarum corporalium principia constituit, aquam nimirum principium ex quo, & fermentum, sive initium seminale per quod, quod vocat (q) dispositivum, in genere omni

(n) Natus an-
no 1493. Com-
m. Mercurius
in Vander Linden.
(o) Helmontius
p. 217.
(p) Paracelsus.
(q) Labyrinthi med.
2. cap. 1.

(q) Helmont-
ius, p. 22.

animato corpori & speciatim singulis quibusque ejusdem partibus innatum; singulorumque medicamentorum simplicium vim à proprio archæo pendere putavit. Verum quanvis multa obscura, obscuriori stylo tradiderit; non tamen contemnendus, quod errores sui sæculi acriter perstringendo, torpentia ingenia revocaverit ad experimentalem (a) Philosophiam. Sylvius alimenta in ventriculo fermentari voluit, salivæ acido fermento, & eadem in intestinum delapsa conflictu succi pancreatici, salivæ congeneris & bilis sale lixivioso retortido foeta, in chylum immutari & Plistonici putrefactionem cum Helmontio suscitare videtur. Willisius ejusdem paulò aliter, Plistonici restaurator, & non absimilibus principiis insistens, in ventriculi plicis acidum fermentum recondi asserit, & vitæ initium à spiritui in corde velut punctulo quodam fermentescere duci (b) autumat, cujus occurru sanguis impetuosè effervesceat, singulaque viscera suo gaudere fermento putat. Hunc quamvis multoties oberavit, maximà laude dignum fatebere quod affectuum hysteriæ & melancholicorum causam, primus generi nervoso tribuerit. Cole Charleton (c) & socii Asclepiadis simul & Plistonici principiis addicti figuram liquidi in glandulis secerendi, cum incerniculis figurâ & diametro quadrare asserunt, vocatis priùs in subsidium prævio ventriculi glandularum, mesenterii & colatoriorum ipsorum fermento, aëris accessione & vasorum angustia. Sydenhamius missis remotioribus causis, proximis ut Hippocrates incubuit & observationi totum se tradidit. Mortuus celesticus, Pneumaticæ fermenta permiscuit & febres acutas ab accenso sanguine oriri putavit, spiritibus animalibus miasmate deleterio (d) afflatis, & ab eorundem fermento venenato affectorum (e) expansione, ternis aut quaternis diebus aborti, febres periodicas recurrere. Sed ipsum de re medicâ optimè meritum non inficiabere, quòd phthisim in suas species diviserit, multasque de variolis, & vario febrium intermittenti genio luculentissimas observationes tradiderit. Tandem verò sapientissimi naturæ interpretes Chymiam quamvis pulcherrimam, naturæ indagatricem, Medicinæ tamen servire, non imperare jusserunt missisque archæi & fermentorum furoribus, æconomiam animalem merè systolicam esse (f) deprehendere & stricto laxoque methodicorum nobilissimam ipsi methodici cooptatis; demonstravere corpus humanum ex uno tubulo elastico constare in infinitas propagines gracilescere, à corde orto ad cor reflexo; in quo non sine alterno renixu, sanguis alternis pressionibus duci & comminui se patitur. Quà naturæ simplicitate missis glandularum fermentis & pororum configurationibus diversis; secundum varios extremarum arteriarum reptatus, diversasque à corde distantias & inclinationes versùs superiora, aut inferiora; genuinis suis colatoriis offeruntur succi priùs à sanguine secreti, quam proprio incerniculo se præbeant. Hinc rectè noveris morbos à solidorum potentiis auctis vel imminutis, seu stricto vel laxo generari & fluidorum coagulationes, aut dissociationes, aut effusiones in alienâ vasâ, sæpius à fibræ motricis statu morbofo, quam ab ipsorum fluidorum vitio pendere; neque magis facere acidum & alkali ad corporis sani æconomiam, quam ad horologii (g) motum. Ex dictis intelligas artem sanandi non inertie, aut brevis temporis esse filiam. Sed ab orbe condito non sine multo, multorum virorum labore accrevisse, quandoque ut magna imperia per bella & dissidia, ex quibus aliquid semper artis summæ accessisse deprehendes. Nani si quid inter multa præclarè excogitata, magni Medici peccaverint, in illorum tamen erratis quamdam invenies dignitatem, quæ posteris altius & æquius cogitandi causam reliquit.

I V.

Medicina quinque partes habet; magistras duas, Physiologiam & Pathologiam; famulas tres Dietam, Pharmaciam & Chirurgiam. Chirurgia de quâ solâ hic locus; docet rectum usum operationum quæ in corpore exercentur. Hæc ab antiquissimis Medicis inventa & exulta, ab iis qui successerunt aucta & à recentioribus expolita, sæpè multisque in locis transmissa est ministris quos hanc artem præceptis, consilio, scriptis, pro singulorum captu, docuerunt; cujus Medicinæ partis si naturam perpendas, & quomodo

(a) Conringius
introd. Med.

(b) Pag. 14
tom. primo.

(c) Biblioth.
anat. tom. 2. pag.
865. & 866.

(d) Mortuus
pag. 185.
(e) Idem, pag.
183.

(f) Bellini &
altri, Pitagorici,
Hecquet, Stahl,
Ruischius, Boer-
haave, Freind,
Bianchi, Sanc-
torius, multi-
que ejusdem celebritatis
Medici.

(g) Freind
Hist. de la Med.
pag. 261.

ab antiquis Medicis exercebatur; & etiamnum à multis iisque doctissimis Germaniæ, Italiæ, Bataviæ, Medicis peragitur, illam esse invenies præclarum artis Medicæ opus, circa eos affectus qui manus opem requirunt, & egregiæ charitatis officium: sed si spectetur qualis à Chirurgis tantum opificibus, ac præcipue Galliæ, exercetur, hanc dividere expedit in operatoriam quæ nudè operationes spectat, & tonsoriam. Illa Medicinæ pars ministræ, & Chirurgus Medici manus quæ ab eo separari non debet, & sine eo quicquam arduum agere vix potest. Unde majores nostri seniores Medicum, juniorem Chirurgum laudabant, quod hic tantum manus dexteritate, ille multâ lectione & observatione summâque ingenii vi valeat & Chirurgus præesse debeat. Sed si ad tonsoriam convertatur oratio, hæc totius generis humani famula eaque vilissima. Ecquid enim famulare magis & vilius, quàm quemvis domi & per domos lavare & radere? hæc sunt tamen præcepta novitiorum tyrocinia & magistrorum exercitia. Non minùs talium opificum dignitatem arguunt sua insignia. His præ foribus pendent patellæ & imagines, alias feriaturis, si suis meritoriis talia desint decora. Utrique studia juvenum respondent, unus solido quoque anno Anatomix, unus operationum circuitus, sed uterque solum hebdomadarius & maximis tantum in urbibus à doctoribus ferè sine litteris institutus. His ministri & tyrones interesse possunt, si fortè ab opere tonsorio vacaverint, non enim facilè magister quicquam artis, peculium domesticum, suorum absentia præterfugere patitur. Sed esto & ministri & tyrones utrique spectaculo interesse possint, paucissima præceptorum distantia vident. Dignius tyronum officium circa sanguinis missionem versatur quàm frequentissimè exercentur. Sed in privatis ægrorum domiciliis rarè interfunt aut vulnerum medicationi, aut operationibus, nisi casus ministros requirat. Rarissimè nec nisi levissimi momenti tumores aperiant. Alias ipsis doctrinæ & exercitii locum tenent anatomica (Chirurgorum fœturæ) breviora Gallica, aut similis energæ operationum tractatus. Ibi cum ab officio consueto feriantur, si à lectione non fastidiant, ea decerpunt quæ juvenibus nullâ liberalium artium institutione ornatis expiscari fas est. Hæ sunt novitiis artis suppetiæ, nisi scientia per somnos ipsis cœlitus inspiretur, nam ut plurimum noctu excelsa loca & impletio vicina habitant. Inter talia exercitia, studia & artis ornamenta quanto magistri & socii imò & novitii verborum strepitu, quantâ tumeant superbiâ, trito fertur (a) adagio. Sed quod mirere magis, Chirurgorum coryphæi artis suæ (cujus principes authores ignorant) se illustratores profiteri audent. Verùm nequè recentiores Chirurgo, nequè antiquiorum Medicorum ministros, quicquam nisi levissimi momenti ad artem quam profitentur contulisse planè obviū. Sed omnem diluet errorem quivis Anatomix & Chirurgiæ peritus. Hunc enim non fugit Hippocratem, & qui eum præcesserunt, prima delineavisse Anatomix rudimenta, & post eum ad Galeni tempora multos Medicos Anatomicis observationibus (b) claruisse. Ossium structuram, & articulationes musculosque, & viscerum situm adeò cognovit Galenus, ut pauca de hac parte posteris inveniendâ reliquerit. Multos nervorum surculos ac præcipue recurrentem descripsit. Primus arterialem canalem & foramen ovale in fœtum corde, & nervorum opticorum originem, aliaque multa deprehendit. A Galeno ad sæculum decimum quartum si Medici minùs Anatomia nomen suum commendârunt, non tamen eâ caruerunt. Sed hanc novem sæculis minùs excultam refocillârunt Mundinus (c) & primus Fallopii judicio Anatomix restaurator Jacobus (d) Berengarius, Nicolaus (e) Maza, Sylvius (f) Ambianus, quem secutus est ipsius auditor (g) Vesalius, exquisitè ossium, musculorum eorumque originis & insertionis cognitione multisque inventis clarus, & (h) Fallopius uteri tubarum inventionem commendatus, quibus annuiteres (i) Eustachium observationibus de renibus, aure internâ, dentibus, azygo venâ, multam consecutum famam &. (l) Arantium, qui primus uterum suo fœtu prægnantem publicè ostendit. Sed fidem superat Medicorum decimi septimi & præsentis sæculi fertilis peritia. Cognoverat olim Erasistratus, utris inflati ritu, impieri arterias corde spiritum nem-

(a) Glorieux
comme un Bar-
bier.

(b) Quatuor Dio-
des Carystius,
Panaagoras Cœti
Herophilus, Plis-
tonius, Erasistratus,
Philotimus,
Monsilius, Chry-
sippus, Euripho,
Antigenes & Sa-
tyrus, omnes pos-
sim, à Galeno citati.

(c) d) Medici
Benedictus.

(e) Med. Venerius.

(f) Med. Paris.

(g) Med. Pli-

lippus II. Hispani-

æ Regi.

(h) Med. Pa-

nav. anat. Profes-

sus anno 1480.

(i) Med. Sane-

ro-Servetus, flo-

ruis anno 1550.

(l) Bonon Med.

et anat. Profes-

sus anno 1589.

pè sanguinem arteriosum exprimente, & patens unicuique ejus orificio cor circumcingi membranis, quibus ad materiæ tum admittendæ, tum amandandæ ministerium, (a) uteretur. At ultimo seculo demonstravit Harvæus, quod prius Cæsalpinus inchoaverat, sanguinem (b) à toto corpore per venas, ad dextrum cordis ventriculum reportari, à quo in pulmonem per arteriam ab eo viscere nominatam protruditur, statim in ejusdem cordis sinistram thalamum per venam pulmonarem repellendus: undè per aortam arteriam in totum corpus vi cordis pulsio vibratur, ad cor ex quo propulsus est, circuitu perenni per venas rediturus. Quod de cordis musculari structura cognoverat Hippocrates, confirmavit (c) Louverus. Hujus nempe muscoli fibras in geminum helicem convolutas ejusque tendines orificia quatuor succingentes, auricularum musculares spiras totiusque cordis officium demonstravit. Pericardii & mediastini structuram & originem dilucidavit (d) Lan- zonus. Malpighius (e) ex distributionibus asperæ arteriæ, tandem in vesiculas ex unâ in alteram patentes, desinentibus, præcipue constare pulmonem observavit; vesicularum verò superficiem ab arteriæ pulmonaris reticulatis propaginibus perreptari: ut sanguis multorum succorum jacturam passus, & spissior factus, rursumque lymphâ & chylo recreatus, cum ipsis misceatur, & à subeunte vesiculas aëre conteratur. Willisius (f) laryngis & fistulæ pulmonalis structuram ejusdemque & venarum & arteriarum tunicas distinxit. Ruifchius (g) arteriam bronchiale pulmoni succum nutritionis ministrantem ejusque sociam venam invenit. Caspar (h) Bartholinus duplici tantum diaphragma constare musculo credidit, tertium Drelincurius (i) invenit. Glandulæ parotidis ductus per quem in os saliva effunditur, Stenoni (l) primum patuit. Maxillaris glandulæ vas excretorium ad radicem frenuli linguae hiantem & sublinguales glandulas detexit (m) Warts. Morgagnus (n) & Heister (o) primi sublingualium glandularum canales demonstraverunt. Pecquetus (p) in canibus reperiit ductum chyloferum ejusque ingressum in subclaviam venam, & chyli receptaculum in canibus. Sed in homine cisternam eamque bisfidam sæpe invenere Heister & (q) Cantius. Glandulas ibidem quandocumque in homine receptaculi vicarias prius invenerat Bartholinus & lymphaticas venas, per quas succus à nutritione residuus in venas sanguineas aut in chyli conceptaculum revehitur. Asellius (r) vasa lactea chylum ab intestinis ad receptaculum vehentia, prius tamen à Galeno cognita diligentius observavit. Horum verò & lymphaticorum valvulas, succi nutritii regressum impediennes, patefecit Ruifchius. Non pauca de eo argumento scripserunt & invenerunt lectu dignissima (s) Rudbeck, Steno, (t) Schelamerus. Wartonus indigitavit mesenterium præter membranam à peritonæo utrinque acceptam, mediâ tertiâ donari quâ vasa sanguinea & lactea & glandulæ mesenterii fulciuntur. Pancreatis ductum in duodenum intestinum, latices suos effundentem Wirtfungus (u) demonstravit, post Mauricius (x) Hofmannum, qui eundem in Gallo - Pavone invenerat. Intestinatorum quinque tunicas primus distinxit accuratissimus (y) Fallopius, quas tamen ad duas redigit, carnosam nempe, fibris rectis & transversis instructam & peritonæi productione obductam, alteram nervosam priori duplo longiorem, & in plicas contractam, villosâque intus crustâ coopertam. Helvetius (z) duas alias cellulosas reperiit, quibus nervæ interjacet; in villosâ quoque papillas poris pervias animadvertit, & interiorem carnosâ laminam pro circulari habitam, ex circulatorum tantum sectionibus constare docuit. Brunnerus duodeni, Peierus cæterorum intestinatorum glandulas invenere. Arteriarum per totam viam nutritionis distributarum, varios reptatus & glandularum mesenterii fabricam Ruifchius demonstravit. Glisson de hepatis situ ipsiusque vasorum distributionibus, de internâ radicatione ligamenti suspensorii, & de hæcenus in cognita pori bilarii & venæ portæ auxiliatrice capsulâ, tractatum elegantem edidit. Quas verò primarij anatomici glandulas crediderant venæ portæ propagines minimas, merè vasculosas Ruifchius injectâ materiâ ceracâ demonstravit. Hepar bilis flavæ merum incerniculum esse sciebat (*) Erasistratus. Sed novissimè Bianchius (**) indicavit bilem priusquam

(a) Galenus de Hipp. & Placitis placuit.

(b) Socius coll. Lond. & primarius regis Angliæ medicus sanguinis circuitum invenit anno 1628.

(c) Socius Lond. in tractatu propri.

(d) Med. Ferrar. in epist. ad Mangetum scriptâ anno 1697.

(e) Med. Roman. anatomicorum sui temporis primus & summus pontif. medic. primarius.

(f) Colleg. Lond. Socius.

(g) Med. Amstelod. anat. prof. anatomicorum princeps ut quæ quatuor volumina propriis observationibus completi.

(h) Med. Danicus.

(i) Med. Lugd. bat.

(l) Med. Danicus.

(m) Socius coll. Lond.

(n) Med. & prof. anat. Tübingensis vs. sculpi post Ruifchium primus.

(o) Helmsladii Med. prof. doctiss.

(p) Dispenf. doct. med.

(q) Med. Bavar.

(r) Med. Ticin.

(s) Med. Sucus.

(t) Hamburgensis Professor Basile.

(u) Med. Delphensis.

(x) Med. Germanus.

(y) Operum p. 257.

(z) Med. Paris. & regia scient. Academiæ & Regine Galliarum primarius Med.

(*) Vide Galen. cap. 13 lib. 2. de usu partium.

(**) Med. Profr. Taurinensis.

ad pori bilarii oscula perveniat; jam à sanguine secretam venæ portæ latera obtinere. Justam perspirati cæterorumque excrementorum quantitatem Sanctorius (a) ad trutinæ lancem supputavit. Splenem in homine unicâ circumscribi membranâ & nihil aliud esse quàm congeriem lymphæ-ductuum, nervorum, arteriarum & venarum ostendit Ruischius, qui venæ & arteriæ ramusculos hoc viscus pererrantes animadvertit adeò tenues, ut fere succosi videantur. In renibus tubulos urinarios post Fallopium, ostendit (b) Bellinus ad horum viscerum centrum coeuntes in corpora papillaria, per quæ urina in pelvim traducitur. Ruischius verò manifestavit renem corticem merè vasculosum, non glandulosum, & tubulos Bellinianos meras esse continuationes arteriarum, quæ priusquàm in tubulos urinarios convertantur, circularem reptatum, in serpentinum mutant. De capsulis atrabilaris eleganter disseruere Malpighius & Morgagnus. Ureterum membranas distinxit Ruischius, eorumdem valvulas (c) Coschwitzius. Tunicam vesicæ nerveam exaravit Graafius. Non minùs in revelando generationis mysterio insudârunt Medici. Testiculorum virilium substantiam vasculosam indicârunt primi Arantius & (d) Riolanus. Arterias spermaticas descripsit (e) Guinterius, earumdem & tubulorum seminalium usum & connectionem Graafius. Scroti septum intermedium, vasa sanguinea per testiculos diversa, & singulari modo tubulos seminales perreptantia, portas sive oscula per quæ semen in testiculo elaboratum defertur ad parastatas, arteriæ & venæ spermaticæ diramationes, epididymidis & vasorum seminalium undulatos reptatus, Ruischius demonstravit Vesicularum seminalium rugosam & reticulatam faciem internam observavit (f) Sanctorius. Latum ligamentum quo penis jungitur ossium pubis commissuræ, Vesalius invenit. Penis corpus reticulare & cellulosum, tegumentis communibus substratum, & vasorum totam ejus substantiam perceptantium directionem, corporum nerveo-spongiosorum structuram, eorumque septum medium, penis glandem internâ parte spongioso corpore majori constantem, externâ verò spongiosi minoris urethram circumcingentis productione coopertam, vidit Ruischius, & ad vivum delineavit. Glandulam quæ in urethram latices suos effundit, cum suo excretorio vase invenit (g) Litrius. Nec suus honos denegandus Cowpero, Chirurgi laudatissimo, qui ibidem in homine glandulas, quas tamen invenerat priùs in asino, quo, mure Malpighii, cum suis excretoriis vasis reperit. Graafius (h) lacunas quarum vasa excretoria urethræ muliebris marginem & nerveas vicinarum membranarum fibras succo titillante, inter amplexus conjugales demulcent, ex abdito naturæ sinu eruit. Binæ quoque usus ejusdem glandulæ ad sinûs pudoris ostium & utriusque tubi sese obtulère Casparo Bartholino. Latorum uteri ligamentorum intermedia cellulosa membrana, paucis abhinc annis Heisteri curâ, patuit. Graafius (i) ova in femellarum ovarii ab hydatidibus distinxit, & acinos globosos ex dilatâ, tempore conceptûs ovarii substantiâ conflatos, ovumque fecundatione turgidulum, in tubæ ostium protrudentes, observavit. Sed primus Steno perscrutatus mulierum & fœminarum quadrupedum ovaria, ovum omnibus animalibus principium esse constituerat. De formato fœtu ejusque nutritione & progressu multa quidem & præstantia (l) Nedam; sed plura accuratissimus Ruischius, qui, ab ovo ad partum, fœtus humanos ipsorumque ossa observavit & delineavit, & musculum spiralem quo placenta uterina post partum ejicitur, plusquàm nonagenarius invenit, adeò ab arte salutiferâ maximus Anatomicus non cessavit. Eiusdem quoque operâ scimus placentam uterinam priùs pro glandulâ habitam, meram esse vasorum distributionem in capillariâ visum priùs fugientia, desinentem. Canalis arteriosi cujus sanguis in fœtu per hepar, sed hepate insalutato in venam cavam fertur, valvulam descripsit (m) Winslovius. Multa & erudita de sanguinis tractu in non natis, ab auriculâ dextrâ in sinistram, per foramen ovale, non salutato dextro cordis ventriculo & pulmone, multa de eodem liquido, per canalem ab arteriâ pulmonali in aortam protensum, proteruso, insalutatis pulmone & sinistro cordis ventriculo, dixere (n) Vernëus, (o) Tavri, (p) Verheien, (q) Listerus. Nec de fœtu tantum

(a) Doct. Med.
Himopolianus.

(b) Doct. Med.
alus.

(c) Med. Doct.
Prof. Hel-
dii.

(d) Med. Paris.
Prof. Anat.
(e) Med. Paris.

(f) Protoped.
natius.

(g) Doct. Med.
Renss. & Regia
tent. Academi.

(h) Med. Del.
Sensu Helusta.
bi Anat. & Chi-
urgia Prof.

(i) Vide Biblioth.
Anat. tom. I. pag.
211.

(l) Med. Lond.
(m) Celeberrimus
Anat. & Med.
Doct. Paris. Acad.
Regie Socius.
(n) Doct. Med.
& Regia Acad.
Anat. & Chir.
Prof. Famigera-
tiss.

(o) Med. Paris.
& Reg. scien. Acad.
(p) Doct. Med.
Lovanii & Anat.
Prof.

(q) Doct. Med.
Dil. Lovd.

tum; sed de lactis officinis præclara invenere Medici. Morgagnus vidit glandulas in papillarum mammæ areolis, & ad papillarum basim serosum lac effundentes & lactiferos ductus; quales ad papillam pergunt, ad areolarum tubercula contendentes. Pinguedinis mammæ stratum exterius, ab interiori distinctum, & mammæ glandulam inter utrumque adipis stratum positam & ejusdem cellulas, seu lactis receptacula, quæ ad ductus lactiferos pertinent. Eosdem quoque à cellulis ad papillam produci & nullis dari valvulis ostendit Ruifchius. Glandulam mamillæ unicam esse, non verò lobatam demonstravit (a) Fantonus Nervas papillæ papillulas sensu tam exquisito præditas, Ruifchius evolvit. Multas quoque de generatiorum observationes prodixerunt Vanhornius, Malpighius, Swammerdamius, cujus aliàs industriæ debemus quidquid lucis & durationis, per injectiones partibus accessit Cerebrum, genus nervosum, & sensuum organa, Medicorum non fugere accuratam indagationem. Erasistratus (b) intimam nervorum substantiam ex cerebri medullâ constare asseruit; superficiei verò eorum à meningibus proficisci, easque in nares, linguam, oculos, auresque & quaquaversum ad sensum & motum dispergi. Willisius (c) cerebri ventriculos, ejusque & cerebelli flexus & medullæ oblongatæ distributionem, meningum inclinationes & sinus varios descripsit; nervis è cranio exeuntibus paria duo & accessorium adjecit. Paris vagi & intercostalis diramationes persecutus est, causamque affectuum hystericorum & melancholicorum nervis assignavit. Multa hujus inventis Vieussenius (d) adjecit, primusque justam in homine nervorum distributionem exhibuit. Præclara de cerebro disseverunt (e) Steno, Malpighius & (f) Fracastellus. De puellis sine cerebro natis (g) Wepferus & (h) Raigerus, de durâ meningē Pachionius (i) observationes suas exhibuere. Membranam Arachnoïdem piæ matri superstratam ipsique multis locis adnatam detexerunt in suo anatomico collegio, Blasius, Sladus, Swammerdamius, (l) Kina. Accuratissimus Heisterus novissimè membranam medullæ spinalis cellulosam, inter primum ejus tegumentum & duræ meningis productionem è tenebris eruit. Sed Ruifchius cerebri corticem & piam meningem injectâ ceracæ materiâ, vasculis innumeris constare manifestavit Lancisius (m) vasculosam & tendineam ganglii structuram evolvit. Fibrarum nervosarum, membranarum & muscularium fabricam variam detexit (n) Baglivius. Musculorum geometricam descriptionem exhibuit Steno: eorumdem vires mechanicas demonstravit Alphonsus, [o] Borellus. Non siluerunt Medici de sensuum organis. Malpighius tres linguæ tunicas distinxit, externam nempe vaginulis corniculatis & globosis externè horridam, alteram substratam foraminibus perviam, tertiam & ultimam ex quâ papillæ eminent generis triplicis, globosæ nempe, conicæ & capitulatæ, quæ immediatum gustus organum constituunt, cribrosæ foramina permeant, tandemque à cavis exterioris tunice vaginulis excipiuntur. Dum tactus organum perferatur in humani digiti apice, avulsâ cuticulâ rugis in spiram ductis asperâ, corpus cribrosum ut in linguâ reperiit, quod in foraminibus suis substratæ cutis eminentias admittit & firmat. Hanc spartam peritissimè quoque implevit Ruifchius, papillarum cutancarum dissolutionibus & ceracæ injectionibus. Nec ignota fuit Malpighio fabrica unguum, quos ex cavis virgulis subjecktæ cutis eminentias excipientibus, constare pro certo habuit. Quæ de aure externâ & internâ, de ductibus cartilagineo, carnosio, osseo, de glandulis ceruminosis, earumque reticulari membranâ, de tympano, ejusque rimâ & chordâ, de ossiculis à (p) Berengario & Fallopio priùs inventis, eorumque musculis; de nervo auditorio, ejusque portione durâ per faciem distributâ; de fenestris rotundâ & ovali; de labyrintho, zonâ sonorâ, vestibulo, canalibus semicircularibus, & cochleâ, aurisque membranis & muscularis, sonisque variis immediatum auditus organum diversimodè pulsantibus, clarissimi Anatomici Vernæus, (q) Valsava, (r) Schelamerus scripserunt & ostenderunt, magnum volumen caperent. Sed non minùs eleganter in incudis, stapedis, mallei periosteo, artetias hæcenus latitantes demonstravit Ruifchius; cujus non minor fuit dexteritas in in-

(a) Medici
Taurinensis.

(b) Vide Gal.
de Placitis Hipp.
& Platonis.

(c) Doct. Med.
coll. Lond. Socin.

(d) Doct. Med.
& Profef. Menf.
pelenfis.

(e) Doct. Med.
Dann Prof. R. &
(f) Physicus
Bononiensis.

(g) Medicus
Scalutannus.

(h) Med. Posa.
nienfis.

(i) Med. Ro-
manus.

(l) Medici
Amstelædam.

(m) Reme Med.
Pontificis summæ
IV. Epist. ab eo
ad Morgagnum
scriptâ de gan-
gliis.

(n) Med. Cle-
mentis X. Sum-
mi Pontificis.

(o) Pissi Mathen
seos Profeflor.

(p) Medico
Carpenfis.

(q) Doct. Med.
& Profef. Bonon.

(r) Med. Geim

vestigandâ membranæ pituitariæ & subiecti perichondrii vasculosâ structurâ, osculis secretorii per pituitariam membranam dispersis & novis nasi reperiendis cartilaginibus. Symbolum quoque in odoratis organo & nasi partibus detegendis persolverunt, Morgagnus, qui orificia ductuum lacrymalium in nares hiantium, optimè omnium delineavit; & Sanctorius, qui quinte nervorum conjugationis furculos per membranam pituitariam sparsos divisit in fibrillas, quæ odoratis sensum constituunt. Visus organum post antiquiorum Medicorum generosissimos conatus, recentiores perscrutati sunt. Meibonius ceruminosas palpebrarum glandulas detexit. In oculi angulo majori, caruncula lacrymalis glandulas, & pilos & oculi membranam semicircularem, lacrymas in puncta lacrymalia dirigentem ostendit (a) Morgagnus. Glandulam lacrymalem in orbitæ superiori parte & juxta minorem oculi canthum cum suis excretoriis vasis ad palpebræ superioris marginem hiantibus, invenit Steno. Sed stupenda Ruischius de visus organo revelavit, inter quæ, notanda veniunt nervorum opticorum, ex diversis fibris compactorum, spongiositas foraminosa, tum separatim extimi eorumdem involucri in duas lamellas, quarum intima piæ matris productio est. His addas tunicam Ruischianam separatam à choroideâ, cujus intimam faciem constituit, & diversum vasorum utriusque reptatum. Nec prætereundi arteriarum retinam perreptantium ramuli, tandem in muscarium expansi, nec arteriæ quæ humoris crystallini tunicam alluunt antè Ruischium invisæ, nec ciliare ligamentum, nec ejusdem processus musculosus, nec circulus minor iridis, pupillæ restrictioni dicatus. Ossium quantumvis saxeæ compages, Medicis non intentata fuit. Quæ post multos veteres & recentiores Medicos qui ossium figuram, articulationes, cavitates, epiphyses, apophyses, sinus, eleganter descripserunt, demonstravit Ruischius, quæ argumenti ejusdem in embryonibus, quæ de periosteï & perichondrii minimis vasis hæctenus non visis dixit & exaravit, lectu & visu sunt dignissima. Neque minori laude digna sunt, quæ de ossium intimâ texturâ exhibuerunt Clopto Havers (b) & Malpighius, qui eorum substantiam ex fibrosarum lamellarum ordinibus, plerumque parallelis & exudante succo sensum obdurescente firmatis, observavere. Rem verò altius scrutatus (c) Gagliardus, bracteas membranaceas & cretaceas diversæ figuræ claviculis transfixi & ferruminari demonstravit.

V.

Non minùs vacârunt Medici chirurgiæ quàm anatomîæ. Quâ dignitate hanc susceperint Medicinæ partem, testantur relicti ab Hippocrate de hac materiâ libri, quos germanam ipsius fœturam omnes [d] consentunt. Quem cùm audiveris de fractis dissecantem, de luxatis, de ulceribus, aut fistulis ac præcipuè ani, de capitis vulneribus, aut fracturâ cranii, de aquis intrâ abdomen effusis, aut pure intrâ cava pectoris concepto; nihil ipsius prognosi, diagnosi, administrationi diætheticæ & pharmaceuticæ addendum superesse, paucissima circa operandi modum supplenda invenies, & non invitus fatebere chirurgiam eodém, quo Medicinâ fonte, fuisse ad nos derivatam. Sed quamvis ministri qui, temporibus Erasistrati & Herophili, se suis heris subdlexerant, chirurgiam à Medicinâ separaverint, & hanc Medicinæ partem, nullo ducente, susceperint; multi tamen Medici affectibus (e) externis, non minus quam internis operam dederunt, multaque optima à se inventa chartæ mandarunt, quæ quamvis injuriâ temporum deleta, tamen in sequentium Medicorum operibus reviviscunt, cum nullum chirurgorum opificum supersit litterarium monumentum, & ipsi nomine tenus exciderint. Ita ut ex operum ipsorum (si quædam extiterint) & nominum interitu, hominum dignitatem suo pretio æstimare possis. Sed adeò veteres Medici qui secuti sunt Hippocratem, arti manuali infudârunt, ut si operationes ipsis familiares perpendas, multa à neotericis ommissa, pauca recens inventa reperias. Quantâ dexteritate Paulus suffusionem, specilli punctorii acie, deorsum (f) derivâ veritè, quàm peritè operationem ægylopiis & ossis carie vitiati desquamationem fecit

(a) *Advers. Anat. Libro 1.*

(b) *Deff. Med. Scius coll. Lond.*

(c) *Med. Rem*

(d) *Fæsus in præfatione ad sextam sectionem Hipp.*

(e) *Le Clerc, Hist. de la Medec. pag. 335.*

(f) *Paulus lib. 4. cap. 24.*

aggressus, Medicis non incognitum. Pus pone corneam effusum apertâ corneâ (a) educebat. Chalazium, si foris prominere, exterius incisâ palpebrâ: si interiùs, eadẽ versâ & apertâ (b) separabat. Palpebras quoquẽ sibi invicem aut corneâ adnatas (c) divisit, neque easdem intactas reliquit trichiasis aut distichiasis affectas; sed exterius apertâ palpebræ cute & deinde confutâ, cilia circa oculi globum contracta, foras revocabat. Meatus auditorii carunculas si quæ ipsùm obturarent abstulit. Cui divisâ labra dehiscerent, [d] ab interioribus solutionis angulis lineas incidebant antiqui medici, quæ citiorem partem ab ulteriori diducerent. Ea deinde quæ sic resolverant, in unum adducebant. Eadem prorsus erat nasi decurtati, palpebrarum & præputii chirurgia. Parotides, si sine morbo intumescerent, statim resolvebant: [e] si ex adversâ valetudine, maturari & quamprimum aperiri commodius duxerunt. Strumas [f] & bronchocele, [g] si capsulâ containerentur, incisa prius cute à subjectis membranis separabant & radicibus evelebant. Uvulam nimium pendulam aut induratas tonsillas rescabant. His quoque in synanche [h] si strangulatus injiceretur metus, asperæ arteriæ sectio non incognita. Polypum narium, si extrâ prominere, orbiculatim scalpello vel instrumento Myrthiformi, ab ossibus nasi separabant. Si quid reliquum maneret, vellicatione, agitatione, rasurâ deturbabant: si intus in palato, per nasi foramina erumperet, lino nodoso per nares in os trajecto detrudebant: si malignus videretur & pervicax candenti ferro [i] absumeant. Si quis hydrope ascite corripere, huic inflicto vulnere sub umbilico, quatuor interjectis digitis à sinistra parte & fistulâ plumbeâ in vulnus inductâ, effusus humor educebatur. [l] In stranguriâ cathetere usi [m] sunt. In vesicâ masculi, si delitesceret calculus, à latere perinæum secabant & digito in anum immisso compressoque hypogastrio expellebant, vel forcipe avelebant; sed integer si detrudi non posset, in partes effractum partim educebant: [n] donec Marianus sanctus [o] itinerarii & ductorum usum descripserit, qualem à præceptore Joanne de Romanis [p] inventore didicerat. Albuginis in masculis calculo laborantibus feriebat obliquè vesicæ collum ad latus naris sinistra (q) neque dissentiebat à Paulo [r] qui non per medium penem, sed in alteram partem juxta sinisteriorem clunem ducebat lineam. Quibus si addideris Etium sectionem vesicæ inferiorem probavisse, (s) recte percipies superiorem cystotomiam qualem postea Franco, Medico-chirurgus Gallus semel tantum, sed non sine prospero eventu celebravit, (t) addeque triplicem in masculis vesicæ sectionem antiquis medicis fuisse cognitam. Virginibus vero calculo laborantibus sub ima sinisteriore urethra ora, virum perpeffis inter urina iter & os pubis sectionem transversam (u) aggrediebantur. De partu Casareo ejusque felicissimo successu luculentissimas observationes exposuit (x) Roussetus. Quid de ani Chirurgiâ excogitaverint antiqui scitaris? Leonides si fistulâ vitaretur anus, in fundum ulceris, specilli flexilis caput immittebat, quod deinde medio digito intrâ podicem intruso reflectebat, & comprehensam intrâ specilli sic recurvati anam, fistulæ latus, uno scalpelli contactu abscondebat. Quod si quid callosum superesset scarificare vel abraderi non (y) dubitavit; sed si plures ab ore uno sinus producerentur, Celsus nullum ex iis (z) intactum si fieri posset, sinebat. Si ulteriora cupis de ani fistulis non apparentibus & cæcis, & earum Chirurgiâ, sit tibi præceptor (aa) Ægineta. Hæmorrhoidum, condylomatum tuberculorum vulvæ & ani, aut ejusdem in recens natis imperforati, aut in adultis à cicatrice coalescentis chirurgiam, apud eundem dilucidè expressam invenies. Propulsis in inguen omento & intestinis, non minori arte medebantur. Celsus (bb) prolapsum pueris intestinum, pilâ fasciæ allistâ retinebat, donec laxatæ membranæ firmarentur. Omentum in inguen delapsum secto inguine in alvum repellebat, sed si res postularet, vel candenti ferro absumeat, vel vinculo exceptum ligabat, donec (cc) excideret. Scroti varices externas admoto candenti ferro (dd) siccabat, maxime in eo loco ubi venæ implicatæ inter se conglomarentur. Quibus vero super mediam aut tertiam tunicam venæ tumerent, inciso inguine, varices

(a) Idem. lib. 6. cap. 6. *Ætius*.
p. 32.
(b) *Paulus*, p. 25. lib. 6.
(c) Id. p. 385.

[d] *Celsus* p. 592.

[e] Idem
[f] *Paulus*
lib. 6.
[g] *Celsus*, pag. 511.
[h] *Anthillius*
ex *Paulo*, p. 17. lib. 6.

[i] *Paulus*
pag. 13. lib. 6.
[l] *Celsus*, lib. 7. cap. 15.
[m] *Paulus*
cap. 19. lib. 6.
[n] *Avicenna*
pag. 671.
[o] *Ambo Medici Ital. Rómæ*
anno 1533.
[p] *Albuginis*
pag. 108.
[q] Lib. 6. cap. 6.

(r) *Vide Ætius*
apud principes
Med. pag. 679.
(s) *Vide Roussetum*
de partu
Casareo, p. 458.

(u) *Celsus*.
(x) *Med. Gallæ*
Belicæ.

(y) *Em. Ætius*
in *trabib. a. feru*
ne 2. cap. 12.
(z) *Celsus*, p. 493.

(aa) Lib. 6.
cap. 79.

(bb) Pag. 494.

(cc) Idem, lib. 7. pag. 621.
(dd) Idem, eod. lib. cap. 22.

separavit & utrimque ligatas; inter utrumque vinculum, sed reposito testiculo refecavit neque hoc generis humani seminarium abstulit, nisi malum intra ipsum & intimam membranam seu albugineam (a) delitesceret. Paulus Ægineta si prolapsum in inguen fuisset intestinum, aperto inguine, pinguedinem & subjectas cuti membranas auferebat & peritonai processum nullâ incisione violatum & sine testiculi amputatione, repulso intestino, futuris (b) retinebat. Celsus in adultis cremasteres & subjectum peritonai processum aperiebat, nec tamen futuris committebat, sed reposito intestino vulnus in summo inguine, demptis scapelli acie habenulis, renovabat; ut plus carnis creare (c) posset. In hydrocele verâ, aquâ nempe intra tunicam vaginalem & albugineam conceptâ, rectâ lineâ è directo linear scrotum dividendis erythroidem secabant, quâ parte à testiculo magis recederet; sed testiculum auferebant, si putredinem concepisset, injecto cremasteri & in eo contentis vasis vinculo iisdemque (d) resectis. Non aliter in cancroso ramice vel tophaceo se gerebant. Quæ ex Hierone, Megete, Gorgiâ, Sostrato, de tumoribus umbilici cancris, & carnosis, de herniis intestinalibus, epiploicis aut ventosis & de eorum affectuum diagnosi, prognosi & chirurgiâ protulit Celsus, lectu dignissima: sed quæ hic abbreviari non possunt. (e) Nec minus erudita quæ de consuendo peritonæo retulit, cujus oras, si occaluerint, scalpello renovandas docet, priusquàm futura committantur, ut facilius à recenti vulnere (f) coalescant. Mammarum cancrum scalpello extirpavit (g) Leonides & vasa nimio cruore manantia cauterio compressit & si quid superesset, consumpsit. Neque antiqui oris carcinomata extirpare aut consumere sunt veriti. Hæc chartâ combustâ & auripigmento curabat (h) Celsus, qui eadem in cole oborta non prætermisit; sed vel causticis combussit, vel scalpello quidquid corruptum sese offerret, ad vivum abstulit. Si punctus nervus in conspectum non veniret, duas lineas sibi continuas incidebant veteres, ut vulnus late patesceret & apertum inglutinaturne diu sinebant quo sanies efflueret sopientibusque & effluxum saniei provocantibus utebantur, multumque sciebant non tam à nervi resectione quam à puncturâ (i) verendum. Digitorum pterygio affectis, si ad os ulcus seperet, ungue resecto, exulceratam partem ferro (l) comburebant. (m) Albucahis ossis femoris partem quaquaversum palmi longitudine vitatam; paulatim abstulit & oborto callo ægrotus restitutus est. Nec dubites de patrum nostrorum in variis vasis ligandis aut aperiendis dexteritate. Arteriarum capitis & manus sectione, diutinos dolores compescebant. Leonides arteriam, si modo vulnus fuisset perpeffa, dissectam & vinculo utrimque comprehensam (n) ligabat. Cucurbitulis scarificatis antiqui (o) utebantur. Varices denudatas & obtuso hamulo prehenfas superne ligabant, incisâque & multo sanguine vacuatas infra (p) constringebant. Jam vero de cauterio actuali cujus usu quinquaginta varios morbos curabat (q) Albucahis, non quidem potentialium defectu aut ignorantia; cum sandaracâ, auripigmento, lixivio & sæce vini usâ uterentur veteres: sed ideo ferro ignito usi sunt antiqui Medici, quod & tutius crusta abscederet & relicta cicatrix robur majus debilitatis (r) impertiret. Ut primum pulveris pyriti usus invaluit quinam primi de inflatis pyrobolarum fistularum explosione vulneribus, docte disseruerunt? Certè Maggisi & Ferrius. (s) Quinam luis Venereæ symptomata rimati sunt ipsiusque curam primi aggressi sunt? Certè hydrargirotosos repperit, Berengarius, (t) Ferrius multique alii. Mitto brevitatâ causa multorum & magnorum virorum nomina qui rebus Anatomicis & operibus chirurgicis ante hæc secula duo floruerunt. Verum neque hi, neque antiquiores Medici, soli chirurgiam illustrant, sed qui decimo-sexto & decimo-septimo seculo floruerunt, quos sive dogmatico stylo scripserint, sive observationes suas chartæ mandaverint, ex ungue leones reperies. Præcipuè autem chirurgiam singulis diebus exornant novissimorum Medicorum inventa Mechanica, Physica, Anatomica & Chirurgica, eorum imprimis quos in sinu alunt per totam Europam, academiæ magnorum virorum feracissimæ, quorum sola

(a) Idem, ibid.

(b) Paulus, lib. 6. cap. 66.

(c) Celsus, lib. 2. cap. 20.

(d) Ægineta, lib. 6. cap. 62.

(e) Lib. 7. cap. 140.

(f) Lib. 7. cap. 11.

(g) Ælius, lib. 4. sermone.

(h) Lib. 6. cap. 45.

(i) Lib. 6. cap. 45.

(j) Paulus, lib. 2. cap. 54.

(k) Idem, lib. 2. cap. 55.

(l) Albucahis, lib. 2. de feris, 56.

(m) Ex Ælia, lib. 4. sermone.

(n) Avicenna, lib. 1. de acutis.

(o) Ælius, lib. 4. sermone.

(p) Ferrius, lib. 1. de la Med.

(q) Idem, lib. 1. de la Med.

(r) Ælius, lib. 4. sermone.

(s) Maggisi, lib. 1. de la Med.

(t) Ferrius, lib. 1. de la Med.

(u) Qui primus

seruavit vulnus

cauterio non fuit

esse lethale

etiam si curas pos-

set innocuâ terebra-

nomina & observationum tituli plurima volumina complerent. Jam verò si Chirurgi præcipuè Galli imò & Parisienses qui se omnibus præstare afferunt, suorum elucubraciones recenseant, vix ultra seculum unum quicquam repetent, præter opera Pinæi, Guicelmæi & Paræi qui immortalitatem sibi comparaturus, juniorum Medicorum industriam ad condendos libros redimebat. (a) Prius enim paucos occupabat scribendi desiderium. Sed de comparandâ scientiâ magis quam de inani gloriâ solliciti, scriptis & lectionibus acquiescebant Medicorum Facultatis, quos penes erat docendorum Chirurgorum summum jus atque autoritas. Neque enim, (ex decreto celeberrimæ Universitatis Parisiensis,) fas erat cuiquam catalogo Chirurgorum Parisiensium adscribi nisi in scholis Medicis Doctores Latine docentes audivisset, (b) nec poterat quicumque ibi admitti nisi litteris humanioribus ornatus. (c) Imò candidatorum examini præerant quatuor Medici à Facultate, & à Facultatis sinu electi (d) quo jure poterant Chirurgi, filii Universitatis dici, & togatorum nomine salutari. Quare non tam Chirurgi opifices erant, quam Medici vulnerarii. (e) Hodie verò nil quicquam horum requiritur, verum candidati Gallicè à magistris interrogati Gallicè respondent; quo argumento illiciti & optimorum auctorum lectione cassi, adèquè degeneres censeri debent. Attamen in tam curto scientiæ apparatu scribendi libidine capiuntur. Verum an eorum dicacitas sapienti antiquorum silentio anteponenda & quonam processerint eorum conamina scire cupis? Evolve libros Anatomicos qui ex ipsorum theatris novissimè prodierunt. Ab his si sua, quisque Medicus inventor repetiverit, certè jejuni & steriles videbuntur. Si verò quæ ad operationes spectant censuræ commiseris, & pauca ad artem manualementis eaque maximam partem ex Gallicis Medicorum, quorum discipuli haberi nolunt lectionibus excerpta laudaveris, ubi de affectuum exteriorum, imò etiam interiorum causis, de diagnosi & prognosi, de regiminis & pharmacie subsidiis videbis ambitiosè differentes, ipsos in mellesem alienam falcem temerè immisisse confitere. Sed risum vix teneas cum partium aut affectuum nomina Græco fonte cadentia, (f) eruditionis laudem aucupaturi, verum ignorantia luto immergi, ad origines suas referre ambiunt: indignationem verò non continebis, cum veteres Medicos omnium operationum inventores (& quibus eo solo nomine summa debetur veneratio) sed quorum opera & fortasse nomina nesciunt, nondum librorum ab ipsis scriptorum vim sentiant, ignororum nomine salutant. (g) Interea in scriptis suis errare malunt quam à doctis Medicis emendari & in casibus Chirurgicis sibi se sufficere afferunt, & Medicorum consilia eludere conantur. Sed esto secandi, urendi, & fasciandi peritiâ valeant & situm partium noverint, si de tumore sit quæstio quis de ipsius causâ, naturâ, quis de extirpationis aut incisionis necessitate ac modo; de tempore agendi, de loci electione, de præparatione Medicâ aut diætheticâ melius discernet ac Medicus? Quis ab extirpando mammæ schirro sæpè pharmacie & regimini cessuro prurientes Chirurgi manus securius continebit? Quis an ulcus sit ad cicatricem perducendum, aut sinendum, an potius exsiccare excrementorum aut ulcus protrusorum viæ melius judicabit? Quot inconsulto Medico gaudenti ægroto perperam exsiccata ulcera causam mortis proximæ reliquerunt! Quot carcinomata quæ melius non tetigisset operari, extirpata numerosam & brevi lethalem sui progeniem reliquerunt? Quis futuros vulnere aut ulcere casus prævertet, aut præsentis revocabit melius ac Medicus, qui antiquorum & recentiorum Medicorum ex assè hæres, ex ipsorum saluberrimis fontibus totius artis hausit subsidia & omnium Medicinæ partium salutifero concentu Luxuriat? Dum tantum quæ ad situm partium & manuale officium spectant à Medicis ad Chirurgo fuere derivata. Hos scilicet artis suæ solum usufructuarios, illos proprietarios, haud iniquus quisque iudex pronuntiabit. Neque enim Anatomiam & Chirurgiam inventas aut multum illustratas putes ab hominibus sine litteris, quorum tota suppellex in myrothecio continetur & opera igne & forficibus peragitur. Quod si quidam

(a) Riolanus in antroponograph. p. 31.

(b) Decret de l'Université 12 Décembre 1437 & du 5. Mars 1515.

(c) Ordonnance de François premier Janvier 1744.

(d) Arrêt du Parlement 10. Février 1552.

(e) Quædam habent Angliæ, Italia, Germania Hispania.

(f) Dionis cours d'opérations de Chirurgie Edition 11. pag. 233, 238, 274. & presque par tout.

(g) Garengot, traité des opérations de Chirurgie, tom. 2 p. 142.

præ cæteris eminent, id debent Medicis à quibus didicere, sed aded sunt magistro-
rum suorum immemores ut pudeat illos nominare per quos profecerint; nec tantum
Chirurgi sunt Medicorum discipuli, sed aded ministri, ut veniam petat Avenzoar quod
contra patris & patriæ morem manualementem artem exerceret quam tunc temporis *honorati*
& *nobiles* (sic enim Medici vocabantur) ad *servitores & ministros* relegabant. (a) Attamen
quantà sui jactantiâ Chirurghiam à Medicinâ liberam pronuntiant! Verùm hanc Medicinæ
ereptam tantum esse manualementem & Chirurgorum ferè omnium industriam merum esse habi-
tum, actuum manualium repetitione comparatum & vix ultra digitos operantis ascendere
plane obvium. Hæc tantum de Chirurgorum peritissimis, quorum Urbs Galliarum princeps
ex quadringentis magistris vix quadraginta suæ artis conscios (b) numerabit. Verum si eos
qui in secundi aut tertii ordinis urbibus, vel ruri habitant censuræ commiseris, vix centesi-
mum quemque invenies anatomix & chirurgiæ operatricis præceptorum conscium: Ne ta-
men otiosi maneant, errore vulgi facti Medici, morborum internorum curam aggredien-
tur. Sed quanta hominum strage? Heu! nimium scimus. Cum ergo Medici anatomiam &
chirurgiam invenerint & foveant singulisque diebus exornent, & utraque si paucissima
excipias, ab iis ad chirurgos tanquam ab architectis ad operarios fuerit derivata; cum
denique tam pauci reperiantur chirurgi, artis quam profitentur, præceptis imbuti; an
tuto licebit ipsis ad arbitrium inconsulto Medico artem suam exercere? minime gentium.
Quamvis enim & manus dexteritate valeat chirurgus & situm partium noverit, & in arte
senuerit, cæteris Medicinæ partibus destitutus quarum cum Medicinâ indissolubilem ne-
xum invenies & quibus chirurgia ut bene procedat carere non potest, suâ experientiâ &
longævitate, nihil inde certius reportabit, quam, in nudâ illâ & nullâ ratione suffultâ empy-
riâ, firmiorem (c) obdurationem. Hinc patet quam perniciosum sit humano generi, quod
in quocumque etiam externo malo inconsulto Medico operationem quam voluerit chi-
rurgus (d) eligat. At verò res tutissimè peragetur, si Medico docenti attentas aures præ-
beat ipsiusque præsentia, consilio & authoritate adjuvetur.

ERGO MEDICO PRÆSENTE, EOQUE
imperante qualibet Operationes Chirurgicæ celebrari debent.

Aßerebat MICHAEL-PHILIPPUS BOUVART, Saluberrima
Facultatis Medicæ Parisiensis alumnus, & Doctor
Medicus Rbemensis.

I N A U L A

D. D. NICOLE,

Prætoris Amplissimi, Anno R. S. H. 1732. à secundâ
ad vespèram.

C A R N U T I,

Apud JACOBUM ROUX, Illustrissimi ac Reverendissimi Domini D. Carnotensis
Episcopi, atque Cleri Typographum, viâ vulgò des *Changes*, sub signo Spiritus Sancti.

(a) Freind hist.
de la Medecine p.
171. & Avenzoar.

(b) Le Chirur-
gien - Medecin
p. 4. Ubi doctissi-
mus autor Chi-
rurgorum late sa-
peritiam retinuit.

(c) Sabal, dis-
sert. de off. Med.
circa casus Chi-
rurgicos.

(d) Rhodius ad
Conringii introit.
p. 420.